

Bəra'inə nga ləkaləkətə nga Yoohana

¹ Wiinə ləkaləkətə ca dzə daciiki masara nga Ikəliisiya. Agi nəhəpaanə nə nyi tuunə da manjeevənaaku, matadə minə daga Əntanƒə. Kə uu'i nyi tuunə dərəva. Əntaa wata nyi daanəki uu'i tuunə, amma da i patənə nga ənjitə shii goonƒaanə nga Əntanƒə.

² Ma uudənaaki tuunə, acii tə'i goonƒaanəkii a ədzəmaamə. Ka ndzaanə nə goonƒaanəkii a ədzəmaamə əsə ka ca'ə ndəɲwə ndəɲwə.

³ Ma Əntanƒə Dəsənaamə da Yeesu Aləmasiihu Uuzənaakii, ka viinə nə tii kaamə pwapoonə, təya ɗa kaamə nga'aanə, təya vii kaamə ndzaanə jamə. Ma uushi'iitə patə, ka ndzaanə nə tii a ədzəmaamə, amə ənə ca nə'u goonƒaanə nga Əntanƒə, ama uudəshi.

Wabənə agyanə uudəshinə

⁴ Yoo, kə ɗii nyi moodasəkə ka shanə makə lapaa nyi hara manjeevənaaku, agi nə'utə goonƒa nga Əntanƒə nə tii, makə sətə bii Dəsənaamə kaamə.

⁵ Mina, ma səndə banəki ka hə, uudəshaamə. Ma wabəənə cii kya naahə ka hə, əntaa kurakii; amma kə fii amə wabənəkii daga ka saa'itə 'watəgyaamə fa wabənə nga Əntanƒə.

⁶ Ma uudʼənə makə sətə bii Əntarʼfə, ci nə nə'utənə wabənaakii. Ma wabənə ŋga Əntarʼfə ətə fii amə daga ka 'watəginə, ci ca ba kaamə kaama ndzaanə agi uudʼəshinə.

⁷ Ma cii kya ba ha'ə, acii tə'i majirakinə laŋə taa dama patə asəkə duuniya. Ma təya, maluuvəmə tii oo'i, əndə shiŋkinə pwayi ənji tə Yeesu Aləmasiihu. Tsarə ŋga ənjitə nə majirakinəkii. Tii nə ənji daawaanə ŋga Aləmasiihu.

⁸ Acii ha'ə, nəhəmə noonə na, koonə shii upaa patənə ŋga shikwa ŋga slənə goonə. Maɗa pooshi ha'ə, ka ətənə nuunə ka shikwakii.

⁹ Ma əndətə pooshi kəŋaanə agyanə dzəgunənə ŋga Aləmasiihu tanə, amma ca tsakəvə naakii, paa ci ləbə da Əntarʼfə. Ma əndətə kəŋaanə agyanə dzəgunənəkii, ci nəndə ləbə da Əntarʼfə Dəsənaamə da Uzənaakii.

¹⁰ Acii ha'ə, maɗa kə gi əndə aa hoonə, ca dzəgunə əndə'i uushi pamə ətə madzəmə mbərə mbərə da dzəgunəətsa, goona luu tə ci aa hoonə aasii. Taa “Usa da shinə”, goona ba ka ci.

¹¹ Acii taa wu bii ka ci “Usa da shinə”, kə libə ci da ci agi məza slənaakii.

Muudinə ŋga wabənə

¹² Tə'i hara uushi'inə bəzəkii cii kya moo banə koonə, amma paa nyi ka naahənə koonə də naahə naahə. Acii agi ɗa aniya nə nyi ŋga dzənə

aa hoone, nya wafə doone ma da ma, kaama shii ndzaane ka moodasəke ka shanə.

¹³ Kə nəhəpaa manjeevəne nga cikənu tə hə. Ki maa, matadəkii nga Əntanfə nə ki.

Gude: Kura Aləkawalə nga Əntənfə
Gude: Kura Aləkawalə nga Əntənfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2025-05-02

PDF generated using Haiola and XeLaTeX on 2 May 2025 from source files
dated 2 May 2025

56396c70-45d3-5118-be46-8c4c3fec34f1